



Abdul Rahman bersama (dari kanan) Abdul Hasib, Abdul Jamied dan Abdul Muliz berkongsi kegembiraan selepas menerima diploma pada majlis Konvokesyen UMP di Gambang.

[FOTO HALIM MAT ALI/BH]

**Kuantan:** Tiada ungkapan boleh menggambarkan kegembiraan bapa apabila menerima diploma bersama tiga anak lelakinya pada Majlis Konvokesyen Ke-9 Universiti Malaysia Pahang (UMP) di sini, semalam.

Abdul Rahman Zainal Abidin, 51, bersama anaknya, Abdul Muliz, 20; Abdul Jamied, 22, dan Abdul Hasib, 23, memperoleh Diploma Eksekutif Pengurusan Projek menerusi program Pendidikan Lanjutan UMP (UAE).

Beliau yang juga seorang kontraktor, mengambil keputusan mengikuti pengajian itu bersama tiga anaknya bagi membolehkan mereka menambah pengetahuan untuk memajukan bidang pembinaan.

## 4 beranak terima diploma serentak

“Tiada perasaan janggal untuk belajar bersama anak, malah ia sebenarnya membantu dalam proses pembelajaran... kalau ada perkara tidak difahami, kami akan berkongsi mencari jalan penyelesaian.

### Usaha berbaloi

“Saya gembira kerana memperoleh diploma ini bersama anak, usaha kami selama dua tahun akhirnya berbaloi,” katanya ketika ditemui selepas menerima diploma yang di-

sampaikan oleh Naib Canselor UMP, Datuk Dr Daing Nasir Ibrahim.

Sementara itu, seorang daripada pendaki dalam Ekspedisi Everest FELDA 2013, Myrza Fasha menerima Ijazah Sarjana Muda Elektrikal.

Berasal dari FELDA Terbang 3, Raub, Myrza Fasha, menghadiahkan kejayaannya menakluk puncak tertinggi di dunia dan memperoleh ijazah kepada ibu bapanya, Siti Zaunah Mat Tenan, 48, serta Hamyrudin Mohd Hashim, 56.